

Talamdan
sa Mga Mensahe alang sa Full-time Training
sa Fall Term sa 2025

LINANGKOB NGA HISGOTANAN:
ANG MAHINUNG DANONG MGA PUNTO SA KAMATUORAN SA MGA SULAT NI PABLO—
FILIPPOS UG COLOSAS

Mensahe 6

Makaila ni Cristo,
sa Gahom sa Iyang Pagkabanhaw,
ug sa Pagpakig-ambit sa Iyang Mga Pag-antos,
Kay Gipahiuyon man sa Iyang Kamatayon
aron Makab-ot ang Labaw-nga-pagkabanhaw gikan sa Mga Minatay

Basahong Kasulatan: Fil. 3:10-11; Efe. 1:19-20; Rom. 1:4

I. “Aron makaila ko Niya ug sa gahom sa Iyang pagkabanhaw ug sa pagpakig-ambit sa Iyang mga pag-antos, kay gipahiuyon man sa Iyang kamatayon”—Fil. 3:10:

- A. Sa versiculo 8 ang pagpakabaton sa labaw nga pagkamaayo sa pagkaila ni Cristo pinaagi man sa pinadayag, apan pinaagi sa pagsinati ang pagkaila Niya sa versiculo 10—makaila Niya tungod sa pagsinati, makasinati Niya sa hingpit nga pagkaila Kaniya.
- B. Nakadawat una si Pablo sa pinadayag ni Cristo, unya nagtinguha nga makasinati Niya aron makaila ug makapahimulos siya ni Cristo sa kasinatian gyod.
- C. Ang gahom sa pagkabanhaw ni Cristo mao ang Iyang kinabuhi sa pagkabanhaw, nga nagbangon Niya gikan sa mga minatay—Efe. 1:19-20:
 1. Ang Espiritu maoy realidad sa gahom sa pagkabanhaw ni Cristo—Rom. 1:4.
 2. Aron makaila, makasinati, ning gahoma, kinahanglan mausa ug mapahiuyon ta sa kamatayon ni Cristo.
 3. Aron makasinati sa gahom sa pagkabanhaw ni Cristo, magkinabuhi gyod ta sa kinabuhing linansang sa krus, sama sa gibuhat Niya.
 4. Ang pagpahiuyon nato sa Iyang kamatayon makahatag og sukaranan sa gahom sa Iyang pagkabanhaw nga makabangon aron mapadayag dinhi nato ang Iyang diosnong kinabuhi.
- D. Ang pag-ambit sa mga pag-antos ni Cristo (Mat. 20:22-23; Col. 1:24) usa ka kondisyong gikinahanglan aron masinati nato ang gahom sa Iyang pagkabanhaw (2 Tim. 2:11) sa pagpahiuyon nato sa Iyang kamatayon:
 1. Nagpursigir si Pablo nga makaila ug makasinati sa gahom sa kinabuhi sa pagkabanhaw ni Cristo ug makaambit sa Iyang mga pag-antos.
 2. Diha ni Cristo, nag-una ang mga pag-antos ug kamatayon, ug gisundan sa pagkabanhaw; diha nato, nag-una ang gahom sa Iyang pagkabanhaw, ayha pa ang pag-ambit sa Iyang mga pag-antos ug pagpahiuyon sa Iyang kamatayon.
- E. Himoon nato ang kamatayon ni Cristo nga hulmahan sa kinabuhi nato:
 1. Sige gyong nagkinabuhi si Pablo sa kinabuhing linansang sa krus, sa kinabuhing ilalom sa krus, sama sa gibuhat ni Cristo sa pagkinabuhi Niya isip tawo.
 2. Pinaagi nianang kinabuhia masinati ug mapadayag ang gahom sa pagkabanhaw ni Cristo.
 3. Ang hulmahan sa kamatayon ni Cristo nagpasabot sa kasinatian Niya nga sige gyong nipatay sa Iyang tawhanong kinabuhi aron mabuhi Siya pinaagi sa kinabuhi sa Dios—Juan 6:57.

4. Ipahiuyon gyod nianang hulmahana ang atong kinabuhi sa pagkamatay nato sa atong tawhanong kinabuhi aron magkinabuhi sa diosnong kinabuhi.

II. “Basin makab-ot pa nako ang labaw-nga-pagkabanhaw gikan sa mga minatay”—Fil. 3:11:

- A. Ang resulta sa ipahiuyon sa kamatayon ni Cristo mao nga basin makab-ot nato ang labaw-nga-pagkabanhaw gikan sa mga minatay—v. 11.
- B. Ang labaw-nga-pagkabanhaw mao ang maayo kaayong pagkabanhaw, ang talagsaong pagkabanhaw, nga ganti unya sa madaogong mga balaan—Bug. 20:4, 6:
 1. Tanang magtutuo nga nangamatay diha ni Cristo makaapil sa pagkabanhaw gikan sa mga minatay inigbalik sa Ginoo—1 Tes. 4:16; 1 Cor. 15:52.
 2. Makapahimulos ang mga mananaog sa Ginoo og talagsaon, maayo kaayong bahin nianang pagkabanhaw nga niini makadawat sila sa ganti sa gingharian; kini ang gitinguha ni apostol Pablo—Heb. 11:35, 26.
 3. Ang labaw-nga-pagkabanhaw gyod untay tumong ug dangatanan sa atong Cristohanong kinabuhi—Fil. 3:11-15a.
- C. Nagpakita ang pagdangat sa labaw-nga-pagkabanhaw nga inanay ug mapadayonon gyong gibanhaw ang tibuok natong pagkatawo—1 Tes. 5:23:
 1. Gibanhaw una sa Dios ang namatay nga espiritu nato; unya gikan sa atong espiritu nipadayon Siya sa pagbanhaw sa atong kalag ug sa atong lawas nga may kamatayon, hangtod hingpit gyong mabanhaw ang tibuok natong pagkatawo—espiritu, kalag, ug lawas—gikan sa daan natong pagkatawo pinaagi sa ug uban sa Iyang kinabuhi—Efe. 2:5-6; Rom. 8:6, 11.
 2. Kahikayan kini sa kinabuhi nga agian gyod nato ug lumba nga daganon gyod nato hangtod modangat ta sa labaw-nga-pagkabanhaw ingon nga ganti—Fil. 3:11-14.
 3. Kon mapahiuyon ta sa kamatayon ni Cristo, inanay nga mabanhaw ang matag bahin sa atong pagkatawo; busa, kahikayan sa pagkabanhaw ang Cristohanong kinabuhi.
 4. Makaabot lang ta ning tumonga sa pagpahiuyon nato sa kamatayon ni Cristo, sa pagkinabuhi nato sa kinabuhing linansang sa krus—v. 11; Gal. 2:20.
- D. Pagkabanhaw gikan sa daang kabuhatan ngadto sa bag-ong kabuhatan ang labaw-nga-pagkabanhaw—Gal. 6:15; 2 Cor. 5:17:
 1. Ang maanaa sa labaw-nga-pagkabanhaw nagpasabot nga mobiya ta sa tanang iya sa daang kabuhatan ug madala ngadto sa Dios.
 2. Walay elemento sa daang kabuhatan diha sa labaw-nga-pagkabanhaw; puno hinuon sa diosnong elemento ang tanan—Bug. 21:5a.
- E. Alang ni Pablo, ang pagkabuhi mao si Cristo nga labaw-nga-pagkabanhaw—Fil. 1:21a; 3:11:
 1. Ang labaw-nga-pagkabanhaw sa pagkatinuod mao ang hinigugma, bililhon, maayo kaayong persona ni Cristo, Siya nga pinaagi sa pagkalansang sa krus ug pagkabanhaw, nakalabang na sa daang kabuhatan ug nakasulod na sa Dios—Juan 14:3, 20; Heb. 6:19-20.
 2. Ang Cristo nga ikinabuhi gyod nato mao mismo nga labaw-nga-pagkabanhaw—Fil. 1:21a; 3:11.
- F. Sa Filipos 3:12 nabatonan na ni Pablo ang gikausahang kaluwasan tungod sa gikausahang pagtuo sa mga magtutuo, apan wala pa niya mabaton ang talagsaong pahat sa pagkabanhaw:
 1. Aron makabaton nianang pahata, mopursigir gyod siya, modagan, ug madaogong mohuman sa lumba—2 Tim. 4:7-8.
 2. Ang Griyegong pulong alang sa *nagpursigir* sa Filipos 3:12 mao ra nga pulong alang sa *nilutos*; nagpasabot sab kining pulonga og *nipadayon*, *nigukod*.
 - a. Ingon niana ang pagdagan ni Pablo sa lumba aron makabaton sa ganti ug mahamtong.
 - b. Sa wala pa siya maluwas, gilutos niya si Cristo; sa naluwas na siya, gipursigir niya si Cristo hangtod ngani nga gilutos niya Siya, apan sa positibong paglutos.

G. Ipahiuyon gyod ta sa kamatayon ni Cristo aron sa bisan unsang paagi makab-ot nato ang labaw-nga-pagkabanhaw.